



Aa-gar L ciaciador solitar

Emilio Galante

$\text{♩} = 100$



37

42


46

51

55



59



64

Aa-gar se n stajea cet

cucià jù dò n spiz de crepa da olache l podesa veder l lech te la lum spavida de la doman.
Prest fossa ruà i stambeches a se dabilirè.



70



74



78





83

88

Perché pa spartir la cèrn con diesc o doudesc ciadiadores,
canche con Us-ter, te dotrei viajes, l ge aessa dat da magnèr per dut l'invern a Paa-ta, sia fèmena, e a U-rir, sia veia mère?

92

95

Us-ter dormia amò, cucia jù tel bivach fat sù a la bona la sera dant.
Aa-gar e sie fi i era ruè sai doi leghes canche l soreie l'era jà dò
che l tocèa la pontes più autes di "Monc-che-se-entenc-de-sanch".

99

L viac l'era stat lonch e sfadious

107

trei dis zenza mai se fermèr, demò ogni tant a binèr sù bòzoles
e "fruc-de-la-tera": chi ai, soraldut, i era bogh, douces, tendres.
Aa-gar l n'aea empieni na tascia entria e l se n'aea magnà n bel pugn,
en chela sera, ensema a Us-ter.

112

119

Dò, bon teis, «Sera i eies...»
l ge aea dit a sie fi. Us-ter, obediènt desche zenza,
l se aea fat ite tel ciaut de na pelicia,
e l se aea sobito endromenzà.

L'era stat l veie pèr a ge ensegnèr
a Aa-gar coche se podea se entener co la ouisc.

124

N son lonch e forinsom na craugnèda volea dir “sera i eies”;
n auter più avert e sarà sù de colp per dir “rua la besties”;
n scigol per dir “é seit” e coscita inant.

E Aa-gar da sia pèrt ge aea ensegnà chisc segnèi co la bocia a si compagne ciaciadores.
Ades, canche i jia a ciacia ensema, i podea se entener ence zenza fèr moc co la mans.

129



133



137




141



La sera dant, apenamai che l fià
de Us-ter se aea fat più chiet,
l ciaciador aea enjignà sia èrmes.

144



Fora de sot la pel de ors che ge coria la spales e l piet, l'aea tirà fora n pugn de picoi sasc spic:
Aa-gar l'era cognosciù te dut l pian per la pontes de sia frizes.
Les era più picles de n polesc, ma les fenia co na ponta tant sotila e dura
che jà tropa outes l'era stat bon de ferir n ors da la pel desche l legn.
L les aea fates sù propio el enstes: seghitan a bater con n corn de cerf su n tòch de selesc,
l'om l'era stat bon, n mingol a l'outa, de fèr pontes semper miore.

151



159



163





La lum freida de la doman doentèa
semper più chièra soravia l picol lech,
ma i stambeches no se lascèa spier.
Ruarèi?

Chel gros bachet che ge era stat de aiut per se rampeèr su per chi crepes, en chela doman fossa doentà l'archet
più prezis e potent che n om aessa mai abù. Aa-gar tol na striscia de curam entorcolèda, longia e forta,
l la engropa da na man sunsom al bachet e l sforza coi brac, dobian l legn fin béleche che l se rompia:
dapodò co la mans sveltes e segures l'engropa l' auter ciavez de la corda da l' autra man del bachet:
l' archet l' era fat e vertie per esser durà. Amò chela net Aa-gar aea proà l' èrma. L lech olache jia i stambeches
a beiver l' era dalonc mez tiro de friza e Aa-gar no falèa mai te la mira. No l' aessa abù problemes a tochèr la bestia.

167

174

181

186

Ruè sal bivach, Us-ter ge aea domanà
a sie père: – E la puza da om?

Aa-gar aea entenù: l fi aea tema che la besties aessa snasà sie odor, la di dò dadoman.
Co la man l ge aea moscià a Us-ter l sas olache dovìa i fossa stac sora net.
Endèna che l fi pojèa jù i bachec e la tascas pienes de “fruc-de-la-tera”,
Aa-gar l' era jìt jù apede i leghes. Aló l se aea beù de bela bocèdes de èga freida, trop miora
che chela tebia e mingol doucejina del pian; dò l se aea metù a sfrugnèr jabas te anter i sasc.
Dò n trat l' era endò jìt sù ence el sal bivach e l ge aea moscià a Us-ter n pugn de cùgoles neigres:
chègoles de stambech.– Chisc... chiò! – ge aea moscia Aa-gar, te chela che l se fajea sù l piet con chesta cùgoles.
Coscita i ge l' aessa fata al nès del stambech: apontin co l' odor de sia chègoles!


194

Aa-gar saea inout che la besties salvères fossa ruèdes mingol dant dal levèr de soerie:
 les fossa vegnudes da sot en sù dò la valena, les fossa passèdes enlongia l bivach
 e dò bel pian les fossa ruèdes sun or del picol lech aló apede. Sie eie aessa cernù fora
 l stambech più gros e no l l'aessa più molà. Te chela che la bestia se aessa pià per beiver...
 e chel l'era l moment ló che manco l stambech aessà abadà a scrèvec e odores... Aa-gar fossa levà sù da tedò l sas e...


201



206




210



L bez à dat na scassèda te sot la pel: l se à sfregolà i eies e n sgrijol de freit l
 l' à fat n mingol zitèr. L' à slongia fora na man e l se à tout fora de tascia n "frut-de-la-tera",
 e l se l' à metù te bocia ensema a n picol toch de cèrn secia. Us-ter l' era stolz de jir a ciacia
 da soul con sie père. Pec dis dant, canche sie père ge aea moscià chi monc che ju tel pian
 se vedea tant dalonc, anter la nigoles, e l ge aea dit: «A la ciacia... nos doi demò!»,
 Us-ter béleche no l' era stat bon de creer.

213



217





Enscin en chela di, endèna che Aa-gar e i etres ciaciadores jia sù sui “Monc-che-se-entenc-de-sanch”, l bez l’era semper stat a cèsa a fèr damat coi amisc che stajea te la uties a la bassa, a spetèr che i ciaciadores vegnissa de outa co la ciacia. E ades proprio el, l joen Us-ter, l’era con sie pèr a ciacia de stambeches! Da soi! L saea ben demò pecia paroles, chel bez, ma l les aessa pa segur durèdes dutes, e amò de autres l n’aessa emparà, per poder encantèr i amisc co la storia de chela spedizion.

221

226

231

235

238

Us-ter... i rua!

La ousc segura del pèr a Us-ter ge à fat sutèr l cher daite. Pian pian, per no fèr rumor, l bez se à tirà apede l’om che tegnia strent l’archet. Us-ter l’é levà sù e zacan l’à vedù alò a pec vèrsec trei stambeches che jia envers l lech. Aa-gar à pojà na man su la spala del fi e coi eies l ge à entimà de no mever. Dò l’om se à out e l’à tacà a fitèr la besties. L’à vedù na ciatura che ge jia dò a doi beches. L stambech te mez l’era massa joen: sul cef l’aea doi picoi corgn che tanche s’i vedea. Chel dedant, enveze, l’era gran, gros, con doi corgn pesoches e scures: chel l’aessa pascentà duta la familia de Aa-gar per na roda entria de luna.

242

L ciaciador saea apontin che l cognea mazèr la bestia al prum colp. Se l’aessa falà, i stambeches fossa sciampé e per dotrei “èlbes” no i se aessa più lascià veder alò dai leghes. E no demò: la friza fossa jita inant te sie viac e la fossa sutèda jabas, magari sun n sas, e la ponta fossa jita en tòc. Se enveze l gros animèl fossa restà demò ferì, l fossa sciampà e l se aessa portà dò te la cèrn la preziosa ponta de selesc.

247


252

f *p* *pp*

l'â studiâ delvers l percors e cò l'â vedù la bestia cernuda se fermèr sun or del lech l'â spetà n moment: dò l'è levà sù zenza fèr ac e te chela che l stambech l'â fat per se pièr jù per beiver...
 l'â tenet i mùscoi del brac dret, l'â tirà la corda de curam più che l'â podù e endèna che
 l'archet zitrèa dut per l sforz l'â molà la friza, e chesta é partida desche l sas fora de n tratoi.
 La friza se à levà te l'aria con n scigol lijier che l stambech no à podù sentir, ciapà coche l'era a cercèr l'èga frescia.
 La friza se à arbassà de colp... e na macia chécena de sanch se à dessegnà sul col de l'animèl,
 che sobit à dat na centenèda e l'è reversà te l'èga del lech.

Ma Aa-gar no l'era cruzià: l cognoscea polito sie archet e sia frizes.
 L saea che chel fil de vent de la doman aessa fat oujer
 n mingol la friza a man cencia:

258 $\text{♩} = 92$



9

265



272



277





284 La ciaura e l stambeck joen, sprigolé per l bot, i é sciampé desbalz envers l bosch.
L bech enveze no moea più.

Dal bivach se à levà n gran bùgol de sodisfaziòn: Aa-gar e Us-ter, coi musc amò pac da tera e da escremenc, i balèa e i sutèa contenc anter mille braciacoì. Scialdi con cighes e ac i é corec sun or del lech e i à tirà la bestia al sut. Aa-gar, dant de dut, l'à vardà de recuperèr la friza: l l'avèda bel delvers e l l'à metuda al segur sot la pel de ors, ensema a cheles che no l'aea durà. Dò l'à tout sù de tera n gran bel sas e, con dotrei colpes dac jù con man segura, l'à destacà i corgn e i ge li à dac a Us-ter, che l osservèa duc i movimenc del père coi eies lustres da l'emozion.

11

L ciaciador ge à ori l venter al stambeck per ge trèr fora l tamin. Con de gran dascas de zirm l se à enjgnà sù na strosa e l'à ciarà sù la bestia per se la tirèr apede l bivach, olache l fajea cont de fèr sù i chèrc.
La bestia pesèa desche n crep: l ge aessa metù n muie de dis e n muie de nets a ruèr a cèsa con duta chela cèrn, ma paèa la speisa. Da ades inant ju per l pian i lo aessa cognosciù desche "Aa-gar, l ciaciador solitar". E l joen Us-ter, na di, l'aea tout sie post. L soreie oramai enlunenèa la pontes più autes di "Monc-che-se-entenc-de-sanch": la ciacia, sal bivach di doi leghes, la era fenida.

311 $\text{♩} = 100$



13

317

324

331

335

339



343

346

350

355

360